



明里誌卷七

制勅一

詔誥

魏文帝黃初二年詔曰昔仲尼稟大聖之才懷帝王
之器當衰周之末而無受命之運在魯衛之朝教
化乎洙泗至栖栖焉皇皇焉欲屈已以存道貶身
以救世於是王公終莫能用乃退考五代之禮脩
素王之事因魯史而制春秋就太師而正雅頌俾
千載之後莫不崇其文以述作仰其聖以成謀茲
可謂命世大聖億載之師表者已遭天下大亂百

祀墮壞舊居之廟毀而不脩衰成之後絕而莫繼
闕里不聞講誦之聲四時不睹蒸嘗之位斯豈所
謂崇禮報功盛德百世必祀者哉嗟乎朕甚憫焉
其以奉議郎孔羨爲宗聖侯邑百戶奉孔子之祀
令魯郡修起舊廟置百石卒史以守衛之又於其
外廣爲屋宇以居學者

北魏高祖孝文皇帝延興二年春二月乙巳詔曰尼
父稟達聖之資體生知之量窮理盡性道光四海
頃者徐淮未賓廟隔非所致令祀典頓寢禮章
滅遂使女巫妖覲淫進非禮殺生鼓舞倡佞姝狎

豈所以尊明師敬聖道者自今以後有祭孔子
廟制用酒脯而已不聽婦女合雜以祈非望之福
犯者以違制論其公家有事如常犧牲粢盛務盡
豐潔臨事致敬肅如也

宋文帝元嘉十九年十二月丙申詔曰胄子始集學
業方興自微言泯絕逝將千載感事思人意有慨
然奉聖之胤可速議嚴於先廟地特爲營建依舊
給祠宜令四時饗祀闕里往經寇亂黌學殘毀并
下魯郡復修學舍採召生徒昔之賢哲及一介之
善猶或衛其土壠禁其芻牧况尼父德表生民功

被石代而墳塋荒蕪荆棘弗剪可蠲墓側數戶以
掌洒掃魯郡上民孔景等五戶居近孔子墓側蠲
其課役以給洒掃并栽種松柏六百株

武帝孝建元年詔曰仲尼體天降德繼周興漢經
緯三以繼冠冕百王爰自前代咸加褒述典司失人
因闕宗祀先朝遠存遺範有詔繕立世故妨道事
未克就國難頻深忠勇奮厲寔憑聖義大教所敦
永惟無懷無忘待旦可開建廟制同諸侯之禮詳
擇爽塏後給祭秩

齊武帝永明二年詔曰宣尼誕敷文德峻極日天

揮七代陶鈞萬品英風獨舉素王誰匹功隱於當
年道深於日月感麟厭世緬邈千祀川竭谷虛陵
夷淵塞非但洙泗湮淪至乃饗嘗之主前王敬仰
崇修寢廟歲月亟流鞠為茂草今學校興立實稟
洪規撫事懷人彌增欽屬可改築宗祊務在爽塏
量給祭秩禮同諸侯奉聖之爵以時繼紹

明帝永泰元年三月詔曰仲尼明聖在躬允光上
哲弘厥雅道大訓生民師範百王軌儀千載世人
斯仰忠孝攸出玄功潛被至德彌闡雖反袂遐曠
而桃薦靡缺時祭舊品秩比諸侯頃歲以來祀典

陵替俎豆寂寥牲奠莫舉豈所以克昭太烈永隆
風教者哉可式循舊典詳復祭秩使牢餼備禮欽
饗兼申

梁敬帝太平二年詔曰夫子降靈體詰經仁緯義允
克素王載闡玄功仰之者彌高誨之者不倦立忠
立孝德被烝民制禮作樂道冠群后雖泰山極峻
一篲不遺而泗水餘瀾千載猶在自國圖屯阻祧
薦不脩奉聖之門胤嗣殲滅敬神之寢篋篋寂寥
永言聲烈寔兼欽愴可搜舉魯國之族以為奉聖
之後并修繕廟堂祇備祀典四時薦秩一皆遵其

舊

周宣帝大象二年詔曰大德之後是稱不絕功施於
民義昭祀典孔子德惟藏往道實生知以大聖之
才屬千古之運載弘儒業式次彛倫至如參贊天
人之理裁成禮樂之務作範百王垂風萬葉朕欽
承寶曆服膺教義眷言洙泗懷道滋深而褒成啓
號雖彰故實旌崇聖績猶有闕如可追封為鄒國
公邑數准舊并立後承襲

陳後主至德三年詔曰宣尼誕膺上括體資至道祖
述憲章之典並天地而合德樂正雅頌之奧與日

月而借明垂後昆之制範開生民之耳目梁季湮
微靈寢忘處鞠為茂草三十餘年敬仰如在永惟
愾息今雅道和熙由庚得所斷琴故履零落不追
閱筭開書無因脩復可詳之禮典改築舊廟葺房
椽棟咸使維新芳馨潔滌以時饗奠

隋煬帝大業四年詔曰先師尼父聖德在躬誕發天
縱之姿憲章文武之道命世膺期蘊茲素王而頽
山之嘆忽踰於千祀至德之美不存於百代永惟
懿範宜有褒崇可立孔子後為紹聖侯有司求其
舊錄以申上

唐高祖武德二年詔曰大德必祀義在方冊達人
世流慶後昆爰始姬旦匡翊周邦創設禮經大明
典憲啓生民之耳目窮法度之本原粵若宣尼天
姿睿哲四科之教歷代不刊三千之徒風流無斁
惟茲二聖道濟生人尊禮不修孰明褒尚宜命有
司立周公孔子廟各一所四時致祭

武德九年十二月二十九日太宗皇帝詔曰宣尼
以大聖之德天縱多能王道藉以裁成人倫資其
教義故孟軻稱生民以來一人而已自漢氏馭歷
魏室分區爰及晉朝暨於隋代咸相崇尚用存享

祀朕欽若前王憲章故實親師宗聖是所庶幾存
亡繼絕抑惟通典可立孔子後為褒聖侯以隋故
紹聖侯孔嗣慈嫡子德倫為嗣

高宗乾封元年正月車駕發泰山至曲阜親幸祠
廟詔曰朕聞德契機神盛烈光于後代化成天地
玄功被於庶物魯大司寇宣尼父孔某資大聖之
材屬衰周之末思欲屈已濟俗弘道佐時歷聘周
流莫能見用想乘桴以永嘆因獲麟而興感於是
垂素王之雅則正魯史之繁文播鴻業於一時昭
景化於千祀朕嗣膺寶曆祇奉睿圖憲章前王規

聖崇至公於海內行大道於天下遂得八表
又安兩儀交泰功成化洽禮備樂和展采東巡回
輿西土途經茲境撫事興懷駐驛荒區願為師友
瞻望幽墓思承格言雖宴寢荒蕪餘基尚在靈廟
空寂徽烈猶存孟軻曰自生民以來未有若孔子者
也微禹之歎既深褒崇之道宜峻可追贈大師庶
年代雖遠式範令圖景業惟新儀刑茂實其廟宇
制度卑陋非宜更加脩造仍令三品一人以少牢
致祭褒聖侯德倫既承胤嗣有異常流其子孫並
宜免賦役

玄宗開元二十七年八月追謚孔子為文宣王詔
曰弘我王化在乎儒術發揮此道啓迪含靈自生
民以來未有如孔子者也所謂自天啟縱將聖多
能德配乾坤身揭日月故能立天下之大本成天
下之大經美政教移風俗君君臣臣父父子民
到于今受其賜不其偉歟於戲楚王莫封魯公不
用俾夫大聖才列陪臣棲遲旅人固可知矣年祀
寔遠光靈益彰銜代有褒稱未為崇峻不副於實
人其謂何夫子既稱先聖可追謚為文宣王令三
公持節冊命其後嗣褒聖侯改封嗣文宣公

宋真宗大中祥符元年十一月詔曰朕以紀號岱宗
觀風廣魯允懷先聖實主斯文矧尼山毓粹之區
光靈可挹而曲阜奉祀之地廟貌猶存將伸款謁
之儀用表欽崇之志宜取十一月朔日幸曲阜縣
備禮躬謁仍付所司詳定卑駕至曲阜縣謁文宣
王廟內外量設黃麾伏嚴文宣公親伯叔兄弟並
許陪位

加謚玄聖文宣王制曰王者順考古道懋建大猷
崇四術以化民昭宣教本總百王而致治丕變人
文方啓迪於素風思丕揚於鴻烈先聖文宣王道

膺上聖體自生知以天縱之多能實人倫之先覺
玄功侔乎簡易景鑠配乎貞明惟列辟以尊崇為
億載之師表肆朕以寡昧欽承命曆曷嘗不遵守
彛訓保乂中區屬以祇若元符告成喬嶽觀風廣
魯之地飭駕數仞之墻躬謁遠祠緬懷遐躅仰明
靈之如在肅奠獻以惟寅是用稽簡冊之文昭聽
獻之德聿舉追崇之禮庶申嚴奉之心備物典章
垂之不朽誕告多士昭示朕意宜追謚曰玄聖文
宣王

封文宣王父叔梁紇為齊國公母顏氏為魯國太

夫人詔曰朕以祇陟岱宗親巡魯甸永懷宣聖之
德躬造闕里之庭奠獻周旋欽崇備至惟降靈之
所自亦錫羨之有初像設具有名稱斯闕宜加追
命以煥典章叔梁紇宜追封齊國公顏氏宜追封
魯國太夫人遣都官員外郎王勵精虔祭告

伯魚母并官氏追封鄆國夫人詔曰朕時巡魯郡
躬詣孔堂顧風教之所尊舉典章而既渥眷惟令
淑作合聖靈載稽簡冊之文尚闕封崇之數屬茲
咸秩特示追崇垂厥方來式昭遺範并官氏宜追
封鄆國夫人仍令兗州遣官詣曲阜廟祭告

大中祥符二年御賜書并塗金器用等碑勅曰國
家尊崇師道啓迪化源眷惟鄒魯之邦是曰詩書
之國尼山在望靈宇增嚴朕登岱告成迴鑿款謁
期清風之益振舉縟禮以有加式咨誨誘之方更
盡闡揚之旨宜以所賜太宗皇帝御製御書與凡
經書并正義釋文及器物等並置于廟中書樓上
收掌委本州長吏職官及本縣令佐等同共檢校
如有講說釋奠並須以時出納勿令損汚此勅文
仍仰刊之于石昭示無窮

又詔曰朕乃者封密禪社昭列聖之鴻休崇德報

功廣百王之典制洎言旋於闕里遂躬謁於魯堂
瞻河海之姿睟容穆若出泗水之上高風凜然舉
茂典之有加期斯文之益振由是推恩世胄併錫
寵章祇事祠庭廣增其奉邑復念性與天道德冠
生民議茲玄聖之名冀廣嚴師之禮兼朕親為製
贊以表崇儒至於四科鉅賢並起五等七十達者
俱增列侯仍命案察分紀遺烈式盡褒揚之旨庶
資善誘之方宜令中書門下樞密院三司使兩制
丞郎待制閣館直館校理分撰贊以聞

仁宗皇祐二年封毓聖侯勅曰元聖肇興誕自東

魯雖天之生德蓋云默定嶽之降神實應精禱充
州泗水縣尼丘山崇岡秀阜雲雨所出儲丕祐于
商後孕全氣于孔族挺毓睿哲為萬代師當崇五
等之封俾均四瀆之秩列于祀典以來神像攸司
奉書往申昭告宜特封毓聖侯

元至元三十一年七月詔諭中外百官吏人等孔子
之道垂憲萬世有國家者所當崇奉曲阜林廟二
都大都諸路府州縣邑應設學校書院照依世祖
皇帝聖旨禁約諸官員使臣軍馬毋得於內交
或聚集問理詞訟燕瀆飲宴工役造作收

其學地土產業及貢士庄諸人毋得侵奪所出
糧以供春秋二丁朔望祭祀及師生廩膳公家
老病之士為衆所尊敬者月支米糧優恤差贍廟
宇損壞隨即修完作養後進嚴加訓誨講習道藝
務要成材若德行文學超出時輩者有司保舉肅
政廉訪司體數相同以備選用攬合行儒人事理
照依已降聖旨

成宗大德十一年十二月詔曰蓋聞先孔子而聖
者非孔子無以明後孔子而聖者非孔子無以法
所以祖述堯舜憲章文武儀範百王師表萬世朕

纂承丕緒敬仰休風循治古之良規舉追封之盛典加號大成至聖文宣王遣使闕里祀以太牢於戲父子之親君臣之義永唯聖教之尊天地之大日月之明奚罄名言之妙尚資神化祚我皇元至順二年九月加封啓聖王詔曰闕里有家系出神明之胄尼山請禱天啓聖人之生聿觀人文敷求往哲維孔氏之有作集羣聖之大成原道統則堯授舜傳至周文王論世家則堯至湯下逮王考父其明德也遠矣故生知者出焉有開必先克昌一如太極之生天地如鉅海之有本源雲仍既

襲於上公之封考妣宜眎夫素王之爵於戲君子之道考而不謬建而不悖于以敦典而敘倫宗廟之禮愛其所親敬其所尊于以報功而崇德尚篤其慶以相斯文齊國公叔梁紇加封為啓聖王魯國太夫人顏氏加封啓聖王太夫人加封大成至聖文宣王夫人詔曰我國家惇典禮以彌文本閨門而成教乃瞻素王之廟尚虛元媿之封有其舉之斯為盛矣大成至聖文宣王妻并官氏來嬪聖室垂裕世家籩豆出房自流風於殷禮琴瑟在御存燕樂於魯堂功言邈若於遺間儀

一 周禮卷七
範儼乎其合德作爾禕衣之像稱其命鼎之名噫
秩秩彛倫吾欲廣關雉鵲巢之化皇皇文治天其
興河圖鳳鳥之祥可持封大成至聖文宣王夫人
國朝永樂四年三月

勅禮部曰朕惟孔子帝王之師帝王為生民之主孔
子立生民之道三綱五常之理治天下之大經大
法皆孔子明之以教萬世朕

皇考太祖高皇帝膺君師億兆之任正中夏文明之統
復衣冠禮樂之舊渡江之初首建學校親祀孔子
御筵講書守帝王之心法繼聖賢之道學集其大

成以臻至治朕承鴻業惟成憲是遵今當躬詣太
學釋奠先師以稱崇儒重道之意其合行禮儀禮
部詳議以聞以下俱
門弟子

唐玄宗開元二十七年八月制曰門人三千見稱十
哲包大衆美實超等夷暢玄聖之風規發人倫之
耳目並宜褒贈以寵賢明其顏子既云亞聖須優
其秩追贈子淵充公子騫費侯伯牛鄆侯仲弓薛
侯子有徐侯子路衛侯子我齊侯子貢黎侯子游
吳侯子夏衛侯又制曰道可褒崇豈限今古追贈
之典旌德存焉夫子十哲之外曾參等六十七人

同升孔門博習儒術子之四教爾實行之親受教
言式揚大義是稱達者不其盛歟欽若古風載崇
玄聖至於十哲亦被寵章而曾子之倫未有稱謂
宜亞四科之士以䟽五等之封俾與先師咸膺盛
禮皆封伯

宋神宗元豐六年詔封孟軻為鄒國公春秋釋奠以
鄒國公孟軻配食于兗國公之次詔曰自孔子沒
先王之道不明發揮微言以紹三聖功歸孟氏萬
世所宗厥惟舊邦實有祠宇追加爵號以示褒崇
可封鄒國公

又詔曰先王之澤既熄學者不復自興而苟况獨
知大致所歸不為訓詁傳註卓然自成一家後世
亦有攷焉宜從諸子之列以食孔子之庭咨此新
封厥惟舊邑恩章甚寵以示褒崇宜特封蘭陵伯
孟軻之後學于孔氏而折衷義理不謬於聖人未
有若揚雄者也朕明先王之道發揮六經微文攷
雄之學宜在所表肆加爵號列於祠庭夫身屈於
一時而名伸於百世先儒之報而學者之榮也豈
不美歟宜特封成都伯魏晉以還學者淺陋不足
以名家而韓愈晚出於唐慨然以羽翼六經自任

其文章議論後世儒者頗宗焉宜有追褒仍躋從祀用厥光顯以勸將來宜特封昌黎伯

理宗淳祐元年以五臣從祀詔曰朕惟孔子之道自孟軻後不得其傳至我朝周惇頤張載程顥程頤真見力踐深探聖域千載絕學始有指歸中興以來又得朱熹精思明辨折中會融中庸大學論孟之書本末洞徹孔子之道益以大明于世朕每觀五臣論著啓沃良多今視學有日宜令學宮列諸從祀以示朕崇儒之意

度宗咸淳三年正月十五日御筆邵雍天挺人豪

英雄盖世司馬光有德有言有功有烈朱熹贊之與周程張俱雍述經世書發先天與旨而內聖外王之學實關吾道光著通鑑貽後世治法而真履實踐之每為時儒宗茲豈前代諸儒或以章句文詞得祠于學者比朕將臨辟雍因思朱熹所贊已祀其四而尚遺雍光非缺歟其令學宮列諸從祀以示崇獎

又御筆惟孔子獨稱顏回好學固非三千之徒所同也而其學不傳得聖傳者獨曾子傳子思子思傳孟軻忠恕兩語深契一貫之旨中庸一篇丕闡

前世之蘊而孔子之道益著向非顏曾思孟相繼
演繹著書垂訓中更管商揚墨佛老幾何其不遂
泯哉今大成惟顏孟侑食曾思不預尚為闕典先
皇帝迹道統之傳自伏羲以來著十三贊孔子而
下顏曾思孟昭然具在其非以遺我後人乎其令
禮官學官議可升曾思侑食併議可升十哲者以
聞是年二月升曾參封郕國公孔伋封沂國公配
食大成顏孫師封潁川侯升十哲

仁宗延祐三年七月追封亞聖鄒國公父為邾國
公母為邾國宣獻夫人制曰朕惟由孔子至於孟

子百有餘歲而道統之傳獨得其正雖命世亞聖
之才亦資父母教養之力也其父夙喪母以三遣
之教勵天下後世推原所自功莫大焉稽諸往代
寔闕褒崇夫功大而位不酬實著而名不正豈朕
所以致懷賢之意哉肆頒寵命永賁神休可追封
其父為邾國公母為邾國宣獻夫人

元文宗至順二年正月十一日加封子思沂國公為
沂國述聖公制曰昔曾子得聖人之傳而子思克
承厥統稽夫中庸之一書實開聖學於千載朕自
臨御以來每以嘉惠斯文為念萬機之暇覽觀載

籍至於致中和而天地位萬物育惟留意焉夫爵
職之崇既隆於升配景行之意可後於褒加於戲
有仲尼作於前孰儷世家之盛得孟子振其後益
昌斯道之傳渥命其承茂隆丕緒可加封沂國述
聖公

至順二年九月加封顏子為兗國復聖公制曰朕
惟得孔氏之門入聖人之域顏子一人而已觀其
不遷怒不貳過以成復禮之功無伐善無施勞益
著為仁之效蓋將不日而化矣惜乎天不假之年
也朕緬懷哲人留心聖學將大新於風教故特侈

於褒加於戲用之則行舍之則藏雖潛德一時之
不顯吾見其進未見其止顧聖言百世而彌彰尚
服寵光丕隆文治可加封兗國復聖公

加贈孟子為鄒國亞聖公制曰孟子百世之師也
方戰國之縱橫異端之充塞不有君子孰任斯文
觀夫七篇之書惓惓乎致君澤民之心凜凜乎拔
本塞源之論黜霸功而行王道距諛行而放淫辭
可謂有功聖門追配神禹者矣朕若稽聖學祇服
格言乃者新稱以彰渥典於戲誦詩書而尚友緬
懷鄒魯之風非仁義則不陳期底唐虞之治英風

千載蔚有耿光可加封鄒國亞聖公

順帝元統三年五月贈顏子父無繇為祀國文裕公追封顏子母齊姜氏為齊國端獻夫人制曰朕惟孔子之道大矣學之以復諸聖傳之而得其宗者其惟顏氏乎崇其道而褒封其所自出禮也故列聖以來於孔孟之考妣亦既禮錫之矣朕迪民興學議禮考文爰命有司稽顏氏之先世封之宗國節以壹惠顧宜私於其家也哉享祀有嚴永世無極父無繇可贈祀國公謚文裕母齊姜氏追封祀國夫人謚端獻

追封顏子妻宋戴氏為齊國貞素夫人制曰朕聞顏子侑食孔聖春秋釋奠為郡國通祀又有廟於魯其子孫祠祭宜如孔氏家人之禮爵秩固當及其配焉夫德足以相其君子則今之歆于世享以比隆闕里之家不亦宜乎妻宋戴氏可追封齊國夫人謚貞素是年改塑祀國公像冕九旒服九章建祀國夫人及齊國夫人殿

國朝景泰三年七月吏部欽奉

景皇帝聖旨顏子孟子他有功於世道嫡長子孫都着做五經博士以奉祭祀以下俱孔子孫

唐玄宗開元二十七年八月封三十五代孫孔璿之
為文宣公制曰永惟聖道思闡儒風故尊崇先王
所以弘至教褒獎後嗣所以美前烈褒聖侯孔璿
之纂承睿哲克履中庸三命益欽敦素憑於相業
百代必祀光寵秘於朝恩積慶之餘既開土宇至
德不朽宜傳帶礪可封文宣公兼除兗州長史遷
都水使者食邑一千戶

宋太宗太平興國三年四十四代孫孔宜遷贊善大
夫襲封文宣公制曰朕以夫子之聖其道猶天
彼裔孫宜其嗣襲况聞爾服勤素業砥礪官常

諭善於東宮俾增榮於闕里勉遵家法以荷國恩
又詔曰素王之道百代所宗傳祚襲封抑存舊典
文宣王四十四代孫孔宜服勤有素砥礪庶隅亟
歷官聯洽聞政績聖入之後世德不衰俾登朝倫
以光儒胄可授太子右贊善大夫襲封文宣公
太平興國八年答孔宜謝修廟進方物詔曰素王
之教歷代所宗當予治定之初特葺脩崇之典汝
齋封闕里就列周行虔備貢輸慶茲輪奐省闡嘉
嘆不忘于懷

仁宗至道三年孔延世襲封文宣公制曰叔教陰

德尚繼絕於楚邦臧孫立言猶有後於魯國豈聖
人之後可獨遠於陵廟乎許州長葛縣令孔延世
鍾裔孫之慶任文理之朝能敦素風甚有政術宜
任桑梓之地以奉蒸嘗之儀可特授曲阜縣令罷
封文宣公賜經書仍賜銀五十兩帛五十匹
至和二年改封文宣公為衍聖公制曰孔子之後
以爵號褒顯世世不絕其來遠矣自漢元帝封為
褒成君以奉其祀至平帝時改為褒成侯始追謚
孔子為褒成宣尼公褒成其國也宣尼其謚也公
侯其爵也後之子孫雖更改不一而不失其義至

唐開元中始追謚孔子為文宣而尊以王爵其嗣
褒聖侯為嗣文宣公孔氏子孫去國名而罷謚號
禮之失也蓋由於此比朕稽考前訓博求群議皆
謂宜去漢之舊革唐之失稽古正名於義而得朕
念先帝崇尚儒術親祠闕里而始加至聖之號務
極尊顯之意肆朕纂臨繼奉先志不敢失墜而正
其後裔嗣嚴之號不其重歟宜改至聖文宣王四
十六代孫宗懿為衍聖公

徽宗崇寧三年復封四十八代孫孔端友為衍聖
公管勾祀事詔曰自書契以還齋於朝者多矣未

有傳世四十有八而不絕者也惟爾文宣王之後
次當承嚴宜勅文階并示寵渥往加恪慎務保厥
榮

宣和三年勅三義郎嚴封衍聖公孔端友曰先聖
百今之師也山百世之後等百世之王殆未有能
違之者朕既以公其言尊其道舉以為治猶以為未
也又錄其後世所以褒大之爾先聖之系效官東魯
積有年矣通和命金閨陞華芸閣以示崇獎汝尚勉
哉可特轉通直郎除直秘閣

高宗紹興二年十四十九代孫孔玠嚴封衍聖公誥

中夫子踰於堯舜澤及萬世靡有不好欽崇頓報
邦有彝典肆予命爾紹于世封惟欽惟恭則無墜
命

授四十九代孫孔莘夫迪功郎誥曰盛德必百世
祀歷觀自昔聖賢之世惟夫子之後千餘歲不絕
所謂賢於堯舜者邪六經之道帝王世守之君臣
父子所以不胥為夷者皆夫子之賜也讀其書享
其學而可不錄其苗裔乎今嚴封若言汝最長有
司其如故事官之試以民事以稱朕尊崇先聖之
意焉

授孔行可迪功郎誥曰夫子之道與天地並有國
家者必紹厥封所以昭盛德之有後而示無窮之
報我朝典既推其嫡以嚴封又官其族屬以廣其
繼今有司以爾來上則爾名最長焉錫汝一官勉
乃世業光昭今德以無負朕崇儒重道之意

接四十九代孫孔璣迪功郎誥曰朕於當代儒先
有補斯文不廢其後矧先聖之裔尤當錄用者乎
爾以的傳有司言狀宜有補授祿食仕途雖身之
榮亦國之華也

紹興二十四年授五十代孫孔元龍迪功郎誥曰

書立言諸老所推許以其賢亦可官矣
次之所當得歟

封五十代孫孔搢為衍聖公誥曰仲尼之道垂休
萬世自生民以來未有盛於此者嚴封奉祀宜及
後昆以爾重厚深醇世系可考選共乃事是遵典
常命以京秩畀以公圭非特為爾身榮實所以尊
先聖也往其懋哉可授右承奉郎嚴封衍聖公
光宗紹熙四年授五十一代孫孔文遠嚴封衍聖
公誥曰孔子之後自漢以來世俾嚴爵國家崇儒
重道又過前代於是有衍聖公之封爾於世次實

當紹續其務恪恭以承祭祀

宋理宗寶慶二年丙戌夏六月以五十二代孫孔萬春嚴封衍聖公誥曰朕聞盛德必百世祀而况詩書仁義之澤涵浸生民炳然至今者乎爾承休聖門端有傳序屬當次補仍緒世封恪共蒸祭當勉家業東魯文獻於此有考焉不亦善乎

金章宗明昌二年四月以五十一代孫孔元措嚴封衍聖公誥曰聖謨之大儀範百王德祚所傳垂光千祀蓋立道以經世宜承家之有人文宣王五十一代孫孔元措秀貞衍祥清洙流潤芝蘭異稟對

為百黨之英詩禮舊聞蚤服父兄之訓語年雖妙

論德已成肆躋世爵之封乃煥身章之數非獨增

華於爾族固將振耀於斯文勉嗣前脩用光新命

又故授中議大夫仍賜四品封誥曰夫子既沒千

八百年後人相承五十一世自近古已公其爵顧

階庶如彼真卑必也正名難於仍舊是以興百王

之瞻典峻五品之華資茲以爾有成人之風繼將

聖之後當余定格會爾躋封噫廟貌存焉克謹歲

時之祀家聲久矣無忘詩禮之傳學有餘師善將

終與

元世祖中統三年詔曰據孔氏顏孟之家皆聖賢之後也自兵亂以來往往失學甘為庸鄙朕甚憫焉可今揚庸教授務要嚴加訓誨精通經術以繼聖賢之業

國朝洪武元年三月初四日

太祖高皇帝親筆諭五十五代孫祭酒孔克堅吾聞爾有風疾在身未知實否然彼孔氏非常人也彼祖宗無教於世歷經數十代每每賓職王家非胡君運去獨為今日之異也吾率中土之士奉天逐胡以安中夏雖曰庶民古人由民而稱帝者漢之高

祖也爾若無疾稱疾以慢吾國不可也諭至思之洪武元年十一月十四日孔克堅謹身殿內奉

聖旨老秀才近前來你多少年幾也對曰臣五十三歲上曰我看你是有福快活的人不委付你勾當你常常寫書與你的孩兒我看資質也溫厚是成家的人你祖宗留下三綱五常垂憲萬世的好法度你家裡不讀書是不守你祖宗法度如何中你老也常寫書教訓着休息惰了於我朝代裡你家裡再出一箇好人呵不好二十日於謹身殿西頭廊房下奏臣將

主上十四日戒諭的

聖旨備細寫將去了

上喜曰道與他少吃酒多讀書

洪武元年十二月仍封孔子五十六代孫孔希學
嚴封衍聖公

制曰古之聖人自羲農至於文武法天治民明並日
月德化之盛莫有加焉然皆隨時制宜世有因革
至于孔子雖不得位會前聖之道而通之以垂教
萬世為帝者師其孫子思又能傳述而明言之以
極其盛有國家者求其統緒尊其爵號蓋所以崇

德而報功也歷代以來膺器對號者或不能緝其
祖武朕甚愍焉當臨御之初訪其世嚴者得其五
十六代孫孔希學大宗是初爰行典禮以致褒崇
爾其勤敏以進學恭儉以成德庶幾領袖世儒益
展聖道之用於當時以副朕之至望豈不偉歟可
封資善大夫嚴封衍聖公

洪武三年五月初四日欽奉

聖旨孔祭酒在前曾說多有同姓的指着先聖宗派都
來曲阜四散居住中間多有不知禮義相聚日久
恐相連累今後除嚴封這一宗派休教他當差其

餘不係真派子孫分揀出來與百姓一體當差欽此

洪武六年八月二十九日

上御端門文武百官早朝召衍聖公孔希學問曰爾年幾何對曰臣三十有九

上曰今去爾祖孔子歷年幾何對曰近二千年

上曰年代雖遠而人尊敬如一日何也為爾祖明綱常典禮樂正彛倫所以為帝者師為常人教傳至萬世其道不可廢也且爾祖無所不學無所不通故得為聖人如問禮於老聃學琴於師襄之類此謂

學無常師非特如此楚王渡江得一物其大如斗其亦如日其甜如蜜衆皆不知遣使問於爾祖曰此萍實也問何以知之爾祖曰昔聞諸童謠云童子之言爾祖尚記之不忘况道德之奧者乎今爾為罷封爵至上公不為不榮矣此非爾祖之遺蔭歟朕以爾孔子之裔不欲於流內銓注以政事煩爾正為保全爾也爾若不讀書孤朕意矣且人年自八歲至弱冠多昏蒙未開不肯向學自冠至壯年有室血氣正盛百為營營亦無暇好學爾年近四十志慮漸凝定見識漸老成正好讀聖人之書

親近明師良友蚤夜講明道義必期有成學成之
後四方之人知爾之能俱來執經問難且曰此無
愧孔氏子孫者豈不美歟然四體之勤乃德之符
步履進退亦必用安詳不可歌斜飛舞久久習熟
遂為端人正士朕今婉曲教爾爾其自擇還家亦
以此教子孫可也勉之哉勉之哉

洪武八年七月

勅五十五代孫孔克伸曰昔君天下者官以五爵自
漢以下職分九第凡斯之職非德功者弗登可見
昔君慎名爵而重志能者朕值胡運天更 布

起草萊天命歸而群英附不五七年間偃兵息民
一華夏主兆民紀年洪武當建國之初已定人神
之分故天地位其位黔黎務焉其於先聖先師朕
不敢外稽諸歷代載在祀典者則仲尼有血食後
嗣有報封於是法前代仍舊章孔希學受封世為
縣令者希大職如前何期希大不依祖訓屢干國
憲自蹈罪戾以失世官今特選本族以孔克伸授
從仕郎知濟寧府兗州曲阜縣事爾尚夙夜忠勤
承流宣化宜鑒前車之失求無忝於聖裔則予汝
嘉爾宜勉之

洪武十一年十二月十七日中書省內史林英承
勅郎曹儀齎至

勅符先師孔子孫襲封衍聖公至京朝覲爾中書下
禮部用心禮待所有隨行者皆要懽心勿使有缺
故勅速行勿怠

勅襲封衍聖公孔希學卿家昭名歷代不朽富貴永
張天地間乃由陰騭之重云何以其明彞倫攸敘
之精微表世綱常之不泯也故若如卿當思祖道
可動人天朕聞卿來朝已勅中書下禮部使所用
如意未知給否雖從行者務要懽心故茲勅諭

勅中書下禮部賜先師孔子孫襲封衍聖公孔希學
日用如舊餘皆照例潔所在以安之毋怠如勅奉
行

勅襲封衍聖公孔希學昔卿之祖能明綱常以植世
教其功大美哉故其後世子孫相承凡有天下者
莫不優禮今卿每歲來朝不避嚴凍可謂篤君臣
之大義而不拂於祖之訓者矣已勅中書下禮部
賜卿日用故茲勅諭

洪武十五年三月

勅五十五代孫孔克當朕聞古人有必報而不忘者

先師也蓋謂明德傳道終身不受禍患固報之朕
與臣民同世於斯時方知大成至聖文宣王當世
之先師時人去古既遠有失報禮稽諸古典報則
有先其光之顯揚師徒共之若果誠能報之則益
而無損洪武十四年吏部奏為襲封衍聖公長逝
生前因曲阜知縣孔克伸卒其官係孔氏子孫世
職昔衍聖公已薦族人孔克當為知縣朕思衍聖
公逝後方奏慮恐不實以爾族中長者悉至京師
論賢排嫡族人既至宗派分明以爾克當為賢特
命為曲阜知縣以報先師爾當敬事以在公而信
承之爾宜懋哉

洪武十七年二月初二日

初五十七代孫孔訥三皇五帝之道明陳攸敘六長
彛倫協天地陰陽定民居者為此也至周文繫於
三墳道迷於五典無八索九丘之泛而諸家之說
並生是致道縱塗橫雖欲馳之莫知所向獨先師
孔子明哲心樞睿知定真折偽以成詩書其修道
之謂教可謂至矣率性之謂道可謂堅矣由是天

鑒善德血食之祀萬世子孫弘衍于今耿光而弗
磨者因幽明之誠無間感通上下故若是也前衍
聖公孔希學嬰疾長往嫡長子訥服闋來朝令襲
其爵以奉先師爾吏曹如勅無怠欽哉

洪武十七年十一月十四日

勅五十六代孫孔希文朕惟德相天地道合四時若
此者古今罕焉雖然始伏羲而至有元聖相繼賢
接踵未嘗缺也然如仲尼者無且秦火之後聖賢
之道亡於紀冊但存者未完獨仲尼誠通天下澤
敷宇內所以自漢崇之至唐追封爲文宣王宋如

至聖元加大成號封至極血食無窮其子孫世享
榮祿所以前代以闕里之邑職其子孫今是邑缺
官道民族以賢推推孔希文最今特以希文授承
仕郎知濟寧府兗州曲阜縣事爾吏部如勅奉行
使從欽哉

洪武二十八年二月

勅五十六代孫孔希範古昔盛時仕者不出其國生
於其鄉而治其同鄉之民故能察其好惡知其土
俗拯其疾苦政教行而民從之也易後世或私于
其鄉於是此道不復也文矣惟爾孔氏以先師裔

孫之故前代特遣治其鄉邑庶幾古昔之意焉茲
命孔希範為承仕郎知曲阜縣事爾尚杜爾私室
爾欲無以勢陵下無以親撓公爾祖不云乎不能
正其身如正人何其務正身以宣政化使鄉邑之
民蒙爾之惠謂聖者之子孫果異於衆人不亦善
乎

永樂八年十二月十九日封五十九代孫孔彥縉
為衍聖公

制曰孔子之道配乎天地師表萬世咸在尊崇欽仰
素王傳讓後裔今五十九代孫彥縉為世嫡雅

有令資俾紹顯榮用光儒胄可襲封衍聖公惟克
懋勤服茲寵命勉修聖學承藉家聲欽哉

永樂九年九月二十七日

勅五十五代孫孔克中國家崇先聖之道既封孔氏
之嫡為衍聖公承于世世又簡求其裔之良者為
令于鄉邑治教其民者著在令典皆所以褒隆先
聖之道也爾孔克中乃孔子五十五代孫今特命
為山東兗州府曲阜縣知縣爾其懋勤忠孝承流
宣化敬慎不渝以光膺朕命無忝於爾聖祖欽哉
洪熙元年正月十三日封衍聖公孔彥縉妻夏氏

為夫人

制曰朕致敬先師施及厥後至其家室亦有褒榮者所以廣崇儒重道之恩也先聖五十九代孫孔彥縉受命先帝襲封衍聖公歲時來朝雍容進退朕用嘉之厚其禮遇其妻夏氏內助克賢而未有封命今從其夫之貴封為夫人凡天下後世有事於脩齊治平者皆誦法孔子矧配孔子之孫可不慎哉可不敬哉益懋率履毋忝于家

宣德元年二月十二日追

賜孔子五十八代孫衍聖公孔公鑑誥命

制曰孔子明堯舜禹湯文武之道三綱五常之理示法萬世我國家遵用以安天下故推恩及子孫者所以隆崇報之禮焉故襲封衍聖公孔公鑑乃宣聖五十八代孫早紹封爵而弗永年然克謹禮度不忝先世茲特推恩追錫誥命以著嘉念不忘之意九原有知庶其歆服

封衍聖公孔公鑑妻胡氏為太夫人

制曰朕惟人子之賢雖本於父而資於母德亦深矣故國家之於群臣皆有推恩之典焉爾胡氏乃故襲封衍聖公孔公鑑之配今彥縉之母婦道母則

不忝於聖人之後茲特封爾為太夫人益茂訓慈
以裕爾嗣欽哉

贈衍聖公孔公鑑母王氏為夫人

制曰國家於群臣皆推恩以及其親所以勸孝也况
吾聖人之胄之所自出乎爾王氏故襲封衍聖公
孔公鑑之母德善夙著於閨門今既追錫爾子誥
命揆厥原本特贈爾為夫人服此榮恩永賁幽壤
封知縣孔克中妻陳氏為孺人

勅曰聖人於家人之義盖曰女正位乎内男正位乎
外厥人有歸於其家而不辱其教者得不有

錫之乎爾曲阜縣知縣孔克中妻陳氏克謹婦也
用相其夫致能盡心於所職是用封為孺人祇服
隆恩永光閨闈

贈知縣孔克中父思政為曲阜知縣

勅曰國家於孔子之後既爵其嫡以奉世祀又擇其
支裔之賢者以令鄉邑所以尊聖道而顯其世也
爾孔思政乃曲阜縣知縣克中之父有德善以成
其子推厥原本特贈爾為承事郎曲阜縣知縣服
茲寵命用賁泉扃

贈知縣孔克中母李氏為孺人

勅曰聖人之教始於閨門故女德之能善其內者朝廷必有以褒顯之曲阜縣知縣孔克中故母李氏婦德母道不忝其家是致有子克為時用揆其所自宜有褒崇茲特贈為孺人朕此茂恩永賁幽壤宣德元年十一月十二日封五十六代孫孔希恭為儀賓

制曰夫婦之道人之大倫婚姻以時禮之所重此古今通義也朕今命爾孔希恭為中奉大夫宗人府儀賓爾當堅天道母寵母慢永肅其家以稱親親之意恪遵朕言母忌

封魯府文登郡主

制曰古之君天下者子孫有女必錫封號朕叔魯王第一女今已成人特封為文登郡主配兗州府曲阜縣知縣孔克中之子希恭彼為儀賓爾為郡主既入孔氏之門恪遵婦道閨門整肅內助常佳無累爾父母生身之恩爾惟敬哉

宣德九年四月二十九日授曲阜縣知縣孔公鏜勅

勅曰國家師法孔子既封其後為衍聖公以奉先聖之祀復擇支裔之賢者為邑令所以著褒崇之意

爾山東兗州府曲阜縣知縣孔公鏜蚤服家訓衆
推為賢用擢是職茲特錫之勅命授承事郎服此
隆恩懋修弗懈以無忝於聖祖欽哉

封知縣孔公鏜妻王氏為孺人

勅曰夫婦人倫之大始故朝廷推恩臣下而必及其
家室者雖以獎賢勞亦以重大倫也山東兗州府
曲阜縣知縣孔公鏜妻王氏克勤內助以相其夫
今特封為孺人服此榮恩永光閨闈

宣德十年十月二十一日封五十七代孫孔諤為
監察御史

勅曰朝廷設監察御史欲其振紀經辦邪正以弼成
國家之治厥任匪輕文林郎行在雲南道監察御
史孔諤先聖之後以儒發身擢官春坊再擢御史
歷年既久克効勞勤是用錫之勅命以示褒嘉夫
官以察為名以言為職在明大體而畧細故在愛
君子而戒小人其益端爾志堅爾守毋私于法毋
撓于勢毋訐以為直毋苛以為能明以燭之公以
行之懋脩而不懈尚有顯爵以待爾成欽哉

封監察御史孔諤妻王氏為孺人

勅曰夫婦人之大倫故朝廷推恩群臣命必及之行

在雲南道監察御史孔諤妻王氏克相其夫茲特封爾為孺人祗服榮恩永光閨闈

贈監察御史孔諤父希麟為監察御史

勅曰國家推恩臣下必及其親者所以重本而勸孝也而何間於存歿哉行在雲南道監察御史孔諤故父希麟慶_姓厥子而祿養不逮揆其所自宜有顯褒今特贈爾為文林郎行在雲南道監察御史靈其不昧尚克承之

贈監察御史孔諤母張氏為孺人

勅曰朕惟群臣之才者固本於父亦必資於母焉存
有褒榮歿有追贈此有國之通制也行在雲南道
監察御史孔諤之母張氏有子能官而不逮養所
惟所自宜錫褒榮茲特贈 為孺人靈其承之永
賁幽壤

贈監察御史孔諤繼母高氏為孺人

勅曰朕惟人之繼母寔配體於母而於子有教育之
德焉故人臣克勤于職者其繼母亦有褒榮之命
行在雲南道監察御史孔諤繼母高氏有子能官
而不逮養所自宜錫褒榮茲特贈 為孺人
靈其承之永賁幽壤

景泰元年正月初五日

勅孔顏孟三氏子孫襲封衍聖公孔彥縉等朕以今年二月初吉躬臨太學祀先聖先賢爾三氏子孫各以賢而長者三四人來限正月二十五日至京師有司壹體應付口糧毋或稽違如勅奉行

景泰元年八月二十七日進曲阜縣知縣孔讓階

文林郎

勅曰國家以牧民之責寄於郡縣長貳必得其人方稱厥職爾山東兗州府曲阜縣知縣孔讓派宗闕里擢令本邦撫字勤勞克稱任使茲特進爾階文

林郎錫之勅命以示褒嘉爾尚深體朝家崇儒重道之意懋脩厥職以惠愛斯民毋縱母刻歸至于中欽哉

贈知縣孔讓妻黃氏為孀人

勅曰夫婦人之大倫故朝廷推恩群臣命必及之而於存歿一也山東兗州府曲阜縣知縣孔讓妻黃氏克相其夫而已早歿茲特贈為孀人爾其有知服斯榮命

封知縣孔讓繼室徐氏為孀人

勅曰國家推恩臣下而必及其室家者所為厚人倫

之本也山東兗州府曲阜縣知縣孔讓繼室徐氏克勤內助茲特封為孺人服此隆恩毋忘儆戒欽哉

贈知縣孔讓父希武為曲阜縣知縣

勅曰國家推恩臣下必及其親者所以重本而勸孝也而何間於存歿哉山東兗州府曲阜縣知縣孔讓父希武慶鍾厥子而祿養不逮揆其所自宜有顯褒今特贈為文林郎山東兗州府曲阜縣知縣靈其不昧尚克承之封孔讓母胡氏為太孺人

勅曰國家於任職之臣必褒顯及其親者所以重源本也爾胡氏子孔讓為東兗州府曲阜縣知縣克勤厥事皆爾善德所致茲特封為太孺人服此隆恩尚懋敬之

景泰六年九月初四日進詹事府主簿孔公禮徵仕郎

勅曰朕於官僚皆簡任文學之臣而其大小衆務則屬之詹事乃若典簿書亦必得人斯為稱焉爾詹事府主簿廳主簿孔公禮系自闕里領薦鄉闈擢任教官進陞國學迨遷今職克效其勤是用進爾

階徵仕郎錫之勅命爾尚益盡乃心懋脩不懈無
忝厥職欽哉

景泰六年十二月二十三日封六十一代孫孔弘
緒為衍聖公

制曰帝王之道待孔子而後明尊崇之典顯其世而
後至此有國者之常禮而我祖宗以來之盛心也
先師孔子六十一代孫孔弘緒既稟令資而為世
嫡宜膺封爵以紹儒宗特命襲封衍聖公惟德可
以繩先惟學可以希聖往惟懋志光寵是承欽哉
封衍聖公孔弘緒妻李氏為夫人

制曰朕惟先聖之後顯榮於時名位既榮於其身而
必推恩及其伉儷者所以廣異數而厚彝倫也襲
封衍聖公孔弘緒妻李氏賦性端莊稟資淑靜習
閑禮教早鍾秀於名門式著壺儀宜作配於華胄
承家相祀媿道惟修爰錫殊恩以示褒顯茲特封
為衍聖公夫人尚其益勤內助永綏嘉命欽哉
贈六十一代孫孔承慶襲封衍聖公

制曰朕惟積善在躬餘慶必垂於後顯榮於國寵命
必及其先况為先聖之後人其禮尤宜於加等爾
孔承慶乃襲封衍聖公孔弘緒之父潛德弗耀為

時善人胡不永年幸生賢嗣子既襲於封爵爾亦
宜有褒崇是用追贈爾為衍聖公嗚呼生有善譽
歿有榮名尚克歆承永光胤祚

贈衍聖公孔承慶妻王氏為太夫人

制曰夫親之愛其子與子之孝其親者莫不欲貴之
斯皆本於天性是以君體其臣必因其所欲而推
恩焉爾王氏乃嚴封衍聖公孔弘緒之母淑善能
教以成厥子今既榮爵宜錫厚恩茲特封爾為衍
聖公夫人服此休嘉永光閨闈

景泰六年十二月二十五日

十一代孫孔弘緒嚴封衍聖公朕惟自古聖
帝明上之道循復冒天下然行之於當時明之始為
法於天下萬世如布帛菽粟不可一日而無者則
惟老師孔子肆歷代帝王至于我

祖宗尊崇之典靡不至焉朕承大統究惟斯道尊崇之
心有隆無替而爾祖嚴封衍聖公孔彥縉以先師
之嫡嗣朕方優於禮待詎意溢先朝露然豈可使
一日而緩其繼肆特命爾嚴封衍聖公爵以奉先
師祀事爾尚欽承祖德聿體朕懷脩身謹行以孝
弟為先力學親賢以詩禮為本和敬以睦族姻仁

厚以處鄉黨母驕母傲惟儉惟良庶無忝於宗親
且有光於朕命欽哉故諭

制曰人臣於其所本莫不欲貴之斯皆本於天性故
朝廷因所欲而推恩焉所以體其心而勸孝也尔江氏
乃故衍聖公孔孝緜之側室今襲封衍聖公弘緒
之庶祖母聿脩婦德既宜於家復撫幼孫克承宗
祀眷茲賢淑可無褒嘉特封爾為夫人尚其祇承
永綏壽祉

勅曰人之大倫莫先於夫婦故朝廷推恩群下命必
及之所以重人倫也爾詹事府主簿廳主簿孔公

禮之妻時氏克修婦德以相其夫茲特封為孺人
祇服榮恩永光閨闈

贈孔公禮父為詹事府主簿

勅曰國家於任職之臣必推恩及其親者所以厚本
而崇孝也亦何間於存歿哉爾詹事府主簿廳主
簿孔公禮之父誠伯有子顯榮而不逮養沂惟所
自宜錫褒崇茲特贈爾為從仕郎詹事府主簿廳
主簿靈其祇承永賁泉壤

贈孔公禮母潘氏為太孺人

勅曰朕嘉群臣任職之勤而推本其父母之教故於

存者有褒歿者有贈此激勸之令典也爾潘氏乃
詹事府主簿廳主簿孔公禮之母有子登庸而不
逮養沂惟所自宜錫褒榮茲特贈爾為孺人服此
隆恩永光泉壤

封孔公禮繼母張氏為孺人

勅曰朕惟人子早失所恃而訓育之勞實資於繼母
故褒崇之命有及焉爾詹事府主簿廳主簿孔公
禮之繼母張氏克成令子居官有能茲特封爾為
太孺人服此榮恩益綏祿養

天順四年九月初四日進禮科給事中孔公恂階

徵仕郎

勅曰國家設六科給事中欲其審奏牘而駁違失任
言責而糾官邪其職可謂要矣必得端慎明敏之
士始克稱焉而禮科給事中孔公恂系出宣聖早
掇賢科繼授今官聲猷茂著是用進爾階徵仕郎
錫之勅命以為爾榮夫居近侍者貴達大體而畧
細故扶正道而進嘉謨爾尚益秉忠誠懋修厥職
以稱朕擇賢任官之意欽哉

封給事中孔公恂妻樊氏為孺人

勅曰人倫以夫婦為始而婦有從夫之義故朝廷推

恩群臣不以其室家存歿而必及焉者所以重人倫也爾禮科給事中孔公恂之妻樊氏克循婦道既孝且恭夫貴於朝爾已早逝茲特贈為孺人服此榮恩永賁窀穸

贈給事中孔公恂繼室余氏為孺人

勅曰人之大倫莫先於夫婦夫貴而婦偕理之宜也肆朝廷於群臣有推恩之典焉爾禮科給事中孔公恂之繼室余氏端靜柔淑允宜厥家茲特封為孺人命服之華永光閨閫

封給事中孔公恂父為給事中

人臣能盡忠君之義國家必遂其顯親之心此上下相須而激勸之令典也爾闕里孔信乃禮科給事中孔公恂之父系出宣聖克世其家擢秀鄉闈蓄德未試訓成令子為朕近臣宜推寵異之恩以彰義方之教茲特封為從仕郎禮科給事中尚其祇承母忝嘉命

贈給事中孔公恂母王氏為孺人

勅曰朕惟人子之孝皆欲顯其親然有祿養早違而恩命不逮者朝廷亦追贈之所以體孝子之心也爾王氏乃禮科給事中孔公恂之母婦德母儀夙

著聞閭訓成賢子效用于時揆厥新由宜隆郵典
茲特贈爾為孺人歆此寵榮永賁泉壤

封給事中孔公恂繼母胡氏為孺人
勅曰朕惟人之繼母寔配體於其父而於子有教育
之德焉肆朝廷推恩而必及之者所以勸孝也爾
胡氏乃禮科給事中孔公恂之繼母有子居官克
勤匪懈皆爾慈訓所致茲特封為孺人尚其欽承
母忝榮命

天順五年九月初三日進曲阜縣知縣孔公錫
文林郎

勅曰國家尊崇宣聖既封為衍聖公以奉闕里之祀
復擇賢裔以宰鄉邑者所以昭褒異之典也山東
兗州府曲阜縣知縣孔公錫乃孔子五十八代孫
早擢鄉舉眾推曰賢爰擢今官以理厥事歷年滋
久茂著聲猷是用進爾階文林郎錫之勅命以為
爾榮爾尚益盡乃心勵乃行懋修不懈無忝爾祖
欽哉

封知縣孔公錫妻李氏為孺人

勅曰風化本於閨門人倫始於夫婦肆朝廷褒寵于
臣而必及其配者所以重人倫厚風化也山東兗

州府曲阜縣知縣孔公錫之妻李氏恪恭婦道以
相其夫茲特封為孺人祇服隆恩永光閨闈
贈知縣孔公錫父孔詮為曲阜縣知縣

勅曰士之仕而能盡所職者則朝廷必推恩及其親
所以重本而勸孝也亦何間於存歿哉爾孔銓乃
山東兗州府曲阜縣知縣孔公錫之父訓子有成
祿養不逮推其所自宜有褒榮茲特贈為文林郎
山東兗州府曲阜縣知縣實靈不昧服此榮光
贈知縣孔公錫母劉氏為孺人
勅曰朕惟人子之孝皆欲顯其親然有親沒而祿養

不逮者朝廷亦追賁之所以體孝子之心也爾劉
氏乃山東兗州府曲阜縣知縣孔公錫之母婦道
母儀著稱姻鄙致有令子効用于時宜錫寵榮以
示褒顯茲特贈為孺人九原有知服斯寵命
封知縣孔公錫繼母錢氏為孺人

勅曰繼母之重豈特齊體於其父而於子有教育之
德焉故人臣能盡職者其繼母亦有推恩之命爾
錢氏乃兗州府曲阜縣知縣孔公錫之繼母性行
柔嘉閨儀素著慈教不怠致子登庸茲特封為孺
人服此茂恩益綿壽祉

天順八年七月十二日封大理寺左少卿孔公恂
父孔信為大理寺左少卿

制曰朕惟為人子者孰不欲顯其親故子能宣力効
職者朝廷必推恩以報之所以遂其顯親之心而
勸天下為孝者也爾封禮科給事中孔信乃大理
寺左少卿公恂之父潛德弗耀為時善人篤生令
子顯用於朝嘗因子而推恩矣子既進秩肆加封
爾為中順大夫大理寺左少卿尚其欽承益綿壽
考

贈大理寺左少卿孔公恂母王氏為恭人

制曰孝子之愛其親者靡有存歿之間故朝廷推恩
於臣下必及其親所以體其心而重大倫也爾贈
孺人王氏乃大理寺左少卿孔公恂之母婦德母
儀著于閭閻誨有令子顯用于朝嘗因子而錫褒
命矣子今進秩亦用加贈爾為恭人服此隆恩永
賁幽壤

封大理寺左少卿孔公恂繼母胡氏為恭人

制曰朕惟人之繼母豈獨齊體於其父而於子有訓
育之德焉故朝廷推恩於臣下而繼母亦有褒榮
之命爾胡氏乃大理寺左少卿孔公恂之繼母端

靜慈和夙著閨闈諄成令子効用于時揆厥慶源
已錫恩封矣今予陞秩亦宜進爾榮命封為恭人
服此茂恩永綏祿養

成化七年五月二十六日進南京詹事府少詹事
孔公恂階中憲大夫

制曰國家設詹事府以輔道春官其長貳皆以儒臣
處之必得學行端謹之士乃克稱焉爾南京詹事
府少詹事孔公恂發身科第給事殿庭既陞職於
春官復平刑於大理賓詹再濫諭德由薰出握郡
章進任敷歷既久嘉績良多宜有優恩用昭

國典茲特進爾階中憲大夫錫之誥命以為爾榮
爾其益端乃心益勵乃行以副朕委任之意欽哉
贈少詹事孔公恂妻樊氏為恭人

制曰朝廷推恩於臣而必及其配者所以厚風化之
原重人倫之始也豈以存歿而有間哉南京詹事
府少詹事孔公恂妻贈孺人樊氏克謹婦道以相
其夫夫既顯榮爾乃早歿嘗因夫貴已受贈矣夫
今進秩特加贈爾為恭人承此懋恩永貫泉壤

封少詹事孔公恂繼室余氏為恭人
制曰君推恩於臣而婦從榮於夫者重大倫遵舊典

也南京詹事府少詹事孔公恂繼室余氏克勤內
助嘗受褒封夫既進官爾宜偕顯茲特加封為恭
人祇服榮恩益敦儆戒

成化十二年十二月二十二日封六十一代孫孔
弘泰為衍聖公

制曰朕惟先師孔子之道傳自堯舜禹湯文武而為
後世帝王之楷式者也尊崇之典既屢加于其躬
錫封之恩宜移侈于其後爾孔弘泰乃孔子六十
一代孫生稟清資行遵禮度宜膺顯爵以貴厥宗
特命罷封衍聖公於戲惟學可以希聖惟德可以

繩先爾徃懋哉毋忝朕命

封衍聖公孔弘泰妻孫氏為夫人

制曰朕惟宣聖之後罷封既有常典而必推恩及其
伉儷者所以廣異數而厚彛倫也罷封衍聖公孔
弘泰妻孫氏鍾秀名門作嬪聖胄宜錫殊典以示
褒嘉茲特封為衍聖公夫人尚其恪修婦道以相
其夫無怠無驕永綏寵命欽哉

成化十七年十二月初九日授五十七代孫孔燮
曲阜縣知縣

勅曰朕惟曲阜縣不以流官而必以孔氏子孫為令

尹者遵舊典也爾山東兗州府曲阜縣知縣孔燮
乃孔子五十七代孫早膺鷄薦任以今官撫字有
方宗黨悅服宜申恩典以答賢勞茲特授爾階文
林郎錫之勅命以示褒榮爾其益盡乃心懋脩厥
職責于厥宗毋忝朕命欽哉

封知縣孔燮妻朱氏為孺人

勅曰夫婦人之大倫故朝廷推恩臣下命必及之者
所以重風化厚恩意也山東兗州府曲阜縣知縣
孔燮之妻朱氏端莊婉淑克謹婦儀夫既顯榮爾
宜並貴茲特封為孺人祇服榮恩永光閭閻

封知縣孔燮父孔希敬為曲阜縣知縣

勅曰國家推恩臣下必及其親者所以重本而勸孝
也而何間於存歿哉爾孔希敬乃山東兗州府曲
阜縣知縣孔燮之父忠信孝友延譽厥宗訓子才
賢克舉其職子今膺于褒典而爾云沒有年特推
所自贈爾為文林郎山東兗州府曲阜縣知縣尚
克承之永賁泉壤

封知縣孔燮母鮑氏為太孺人

勅曰母以訓子為慈子以顯親為孝肆朝廷推恩臣
下必體其心而有褒榮之典焉爾鮑氏乃山東兗

州府曲阜縣知縣孔燮之母慈惠善柔克敦母道
有子能官由爾善訓所致特封爾為太孺人服此
隆恩益綿壽祉

弘治七年十一月二十一日授五十九代孫孔彥
士為曲阜縣知縣

勅曰國家設曲阜之令而取闕里之賢蓋於崇德之
中亦寓親民之寄欲當是任必得其人爾山東兗
州府曲阜縣知縣孔彥士派分聖裔名起賢科蒞
政有方持身罔怠顧茲最績宜示優恩是用進爾
階文林郎錫之勅命於戲魯論之答問政儼明訓

之具守商書之論象賢庶遺風之不墜欽哉
封知縣孔彥士妻陳氏為孺人

勅曰妻有從夫之義身與其榮臣有報國之功家隨
以顯稽諸典法豈遠人情山東兗州府曲阜縣知
縣孔彥士妻陳氏揚芬令族儷美儒門職能供饋
祀之勤居不廢詩書之訓乃因夫貴昭示國恩茲
特封為孺人渙命是承榮光未艾

封知縣孔彥士父孔公綬為曲阜縣知縣

勅曰教子以忠必使之效勞於國勸臣以孝必為之
致寵于親於君父之同情見齊治之一理爾孔公

八關里試卷七
八四十九
綬乃山東兗州府曲阜縣知縣孔彥士之父林泉
養素詩禮傳家義方已兆於賢科嚴訓載徵於最
績宜推恩數用逮所生茲特封爾為文林郎山東
兗州府曲阜縣知縣用酬教育以勵顯揚為臣者
益勉于成有子者亦宜知勸

封知縣孔彥士母王氏為孺人

勅曰母之道固多于鞠育有教者存子之職不限于
旨甘惟名是顯肆我推恩之命用成報德之心爾
王氏乃山東兗州府曲阜縣知縣孔彥士之母端
莊有則婉順無違徵令子之才名式彰慈訓接朝

家之典籍宜有褒章茲特封為孺人佩此榮光永
綵色養

弘治十六年九月初六日封六十二代孫孔聞韶
為衍聖公

制曰國家稽古右文建中弘化寔惟先師孔子之道
是憑是式故錫爵啓封俾奉世祀崇德象賢之典
自

祖宗列聖至于朕躬有隆無替爾聞韶儒宗世嫡嗣膺
封命而茂年美質足紹前休

爾尚克勤進脩永終

令譽以副四方之觀禮以光百代之宗祀夫忠信
乃行乎州里孝弟可通於神明爾惟欽哉學在溫
故而知新德貴擇善而固執此先師之明訓而家
學所世守者也爾其懋哉母忝朕命故諭

弘治十七年閏四月初七日

勅太子太保戶部尚書兼謹身殿大學士李東陽比
因闕里文廟燬於回祿爰命有司重建厥功既成
茲遣卿往彼祭告夫

先師道德萬世之所宗鼎新廟庭一代之盛典以故
告之禮特委輔弼之臣卿其精白一心寅恭將

勝期

聖鑒昭格以副朕隆師重道之懷事畢即星馳回京欽
哉故勅

弘治十七年十一月十四日封六十四代孫孔承需
爲亞中大夫

制曰人之大倫莫先于夫婦禮之大節莫重于婚姻
此古今之通義也今特命爾孔承需爲亞中大夫
宗人府儀賓配以青城縣主爾尚崇德衰禮克慎
威儀母怠母驕用昭寵命欽哉
封孔承需配爲青城縣主

制曰朕聞有天下者必篤親親之義故宗室有女咸有封號所以示貴寵也安丘王嫡長女年已長成特封為青城縣主以為宗人府儀賓孔承需之配既歸孔氏之門恪脩婦道整肅閨儀母慈母驕式勤內助庶於父母生身之恩無忝焉欽哉

嘉靖八年三月二十四日封六十一代孫孔承震為文林郎曲阜縣知縣

勅曰曲阜聖賢之邦為之令者罔借於外每以其產治其人所以隆先師垂遺風也爾曲阜知縣孔承震克念爾祖令聞有終乃光子訓欽哉

人履政孔良有聲洙泗克篤爾奕葉之休朕實爾嘉茲于最考進階文林郎錫之勅命其益懋厥修克念爾祖令聞有終乃光子訓欽哉

封知縣孔承震妻孫氏為孺人
勅曰朝廷錫恩庶官爰及厥配實惟內助之良爾克州府曲阜縣知縣孔承震妻孫氏配德名家良于內助宜申彝典用錫褒章特封爾為孺人尚克欽承永光閨闈

嘉靖十六年五月初八日授五十八代孫孔公珏為文林郎曲阜縣知縣

勅曰國家尊崇

先師乃簡子孫之賢者世尹厥

土休茲亦惟重哉爾山東兗州府曲阜縣知縣孔
公珏乃孔子五十八代孫已故曲阜縣知縣孔燮
之子正已淑身恬於自守早膺廷薦爰授今官乃
能義以齊民仁以睦族公廉慈惠遠邇咸稱歷歲
滋深宜加褒典茲特授爾階文林郎錫之勅命以
為爾榮爾其祇膺明訓益懋操修罔忝厥祖斯爾
之令譽有終馬欽哉

封知縣孔公珏妻許氏為孺人

勅曰古者成婦訓彰女教所以立夫婦之義端風化

之本也爾山東兗州府曲阜縣知縣孔公珏妻許
氏名家舊範良士好述式奉姆儀夙閑壺則恪修
內治允嗣徽音爰頒從貴之恩用申齊體之義茲
特封為孺人尚敦儆戒益迓寵光

嘉靖三十年三月初十日進武城中衛經歷孔彥
碩為修職郎

勅曰國家兵衛之設所以分理軍政長貳皆以武臣
處之至於幕職亦必得人乃克濟爾武城中衛經
歷司叔糧經歷孔彥碩發身胄監擢任今官克秉
公勤以修乃職茲以考績來聞特進爾階徵仕郎

錫之勅命以爲爾宗其益盡心毋違厥事哉
贈經歷孔彥碩妻顏氏爲孺人

勅曰國家錫命於臣而必及其配者所以重人倫之始也爾武城中衛經歷司收糧經歷孔彥碩妻顏氏得其所歸而乃早世夫既有位爾宜並榮茲特贈爲孺人服此明恩永光幽窆

封經歷孔彥碩繼室李氏爲孺人

勅曰婦主饋祀位不可虛故室必有繼而國典亦必及之爾武城中衛經歷司收糧經歷孔彥碩妻李氏克執婦道以相其夫致能盡心所職茲特封

爲孺人冠服是承益敦儆戒

贈經歷孔彥碩父孔顏孟三氏子孫教授司學錄公杰爲武城中衛經歷司收糧經歷

勅曰國家推息臣下必及其親者所以重本而勸孝也而何間於存歿哉爾原任三氏學錄孔公杰乃武城中衛經歷司收糧經歷彥碩之父教子有成祿不逮養揆厥本始宜加卹息茲特贈爲徵仕郎武城中衛經歷司收糧經歷九泉不昧尚克歆承封經歷孔彥碩母劉氏爲太孺人

勅曰士之効用者固本於父訓亦必資母德焉顧推

恩可有間哉爾劉氏乃武城中衛經歷司叔糧經歷孔彥碩之母善相其夫克成厥子婦道母儀有足稱焉茲特封為太孺人服茲冠帔之榮怡爾祭榆之景

嘉靖三十二年進曲阜縣世職知縣孔承業階文林郎

勅曰我朝崇儒重道之典有隆無替故曲阜縣令惟孔子子孫得世襲焉所以延德澤于無窮也爾山東兗州府曲阜縣知縣孔承業乃孔子六十四代孫忠孝謙恭增華世胄用采輿論授職今官撫字有

方宗黨悅服宜申恩典以答賢勞茲特授爾階為文林郎錫之勅命爾其益思懋德仰副國恩恪恭職守之有常增光斯文於不朽欽哉

贈曲阜縣世職知縣孔承業妻劉氏為孺人

勅曰朕惟化始家人禮重宗婦恩命並及容以存沒有間哉爾山東兗州府曲阜縣知縣孔承業妻劉氏恪修內範善相厥夫爰念徃勞宜施卹典茲特追贈為孺人幽爽未遷祗承無替

贈曲阜縣知縣孔承業父彥學為知縣

勅曰古昔言孝必曰立身揚名以顯父母朕以孝治


天下於凡奉職之臣咸有以寵綏其親焉尔孔彥
學乃山東兗州府曲阜縣知縣承業之父制行惟
純抱才不試澤延嗣子膺此寵光茲特贈尔為文
林郎山東兗州府曲阜縣知縣服茲顯命尚裕後
昆

贈曲阜縣知縣孔承業母陳氏為孺人

勅曰母氏懿行非得朝廷表揚則幽閨之貞不顯于
世故人樂有賢子也尔陳氏乃山東兗州府曲阜
縣知縣孔承業之母秉德泚慎克生令人義方為
慈致茲樹立顧祿養方及而尔享不終茲特賜

孺人享此榮名是以永世

關里誌卷之七



關里誌卷之七

